



PROGRAM STIPENDIUM HUNGARICUM

Poziv za dostavljanje prijava za kandidate iz Bosne i Hercegovine
za stipendije države Mađarske za redovne visokoobrazovne programe

Mađarski odbor za dodjelu stipendija

 **Balassi
Intézet**
Balassi Institute, HSB Office
1519 Budapest, Pf. 385
Tel.: +36 1 384 9009
Fax: +36 1 343 6489

POZIV ZA DOSTAVLJANJE PRIJAVA

Mađarska Vlada je 2003. godine osnovala **stipendijski program "Stipendium Hungaricum"**.

Stipendije se mogu dodjeljivati građanima onih zemalja koje imaju važeći/aktivan plan bilateralne obrazovne saradnje kojeg je potpisalo mađarsko Ministarstvo za ljudske resurse i resorno ministarstvo nadležno za obrazovanje.

Predizbor kandidata će provesti Ministarstvo obrazovanja date zemlje ili odbor za stipendije kojeg imenuje to ministarstvo.

Mađarska kroz Ured mađarskog odbora za dodjelu stipendija (HSB) instituta Balassi nudi stipendije za strane državljane koji namjeravaju nastaviti svoje redovne BA/BSc, MA/MSc ili doktorske studije na državnim akreditiranim visokoobrazovnim ustanovama Mađarske.

DOSTUPNE STIPENDIJE

Ukupno 50 stipendija je dostupno od akademsku 2014/2015 godinu: 20 stipendija se nudi u oblasti poljoprivrede i prirodnih nauka za redovne dodiplomske i postdiplomske studijske programe, 25 stipendija se nudi u oblastima inženjerstva, tehnologije i ekonomije. Mađarska strana nudi 5 stipendija za redovne doktorske studije na engleskom jeziku u bilo kojoj oblasti.

1. Dodiplomski programi (redovni BA ili BSc studij)

Kriteriji za prijem: Uspješno položen prijemni ispit. Trajanje programa – može varirati u odnosu na program – i utvrđuje se aktuelnim zakonom na snazi.

2. Postdiplomski programi (redovni MA ili MSc studij)

Kriteriji za prijem: BA/BSc diploma/certifikat i uspješno položen prijemni ispit za odabrani program. Trajanje programa – zavisi od vrste programa – i utvrđuje se aktuelnim zakonom na snazi.

3. Redovni doktorski program

Kriteriji za prijavu na doktorske programe: MA/MSc diploma/certifikat i uspješno položen prijemni ispit za odabrani program. Stipendija je uslovljena uspješnim prijemnim ispitom za odgovarajući doktorski program ili školu za doktorske studije. Trajanje programa – prema aktuelnom zakonu koji je na snazi – iznosi 36 mjeseci.

SLUČAJEVI NEPODOBNOSTI

- ▶ Strani državljani sa boravišnom/imigracijskom dozvolom ili je zahtjev za dobijanje takve dozvole u Mađarskoj u proceduri
- ▶ Strani državljani sa stalnim prebivalištem u Mađarskoj
- ▶ Strani državljani zaposleni na trajnoj osnovi u Mađarskoj kako ih definiše Zakon o radu Mađarske
- ▶ Kandidati koji su zaposleni i koji se prijavljuju na vanredne ili korespondencijske studijske programe

ZAHTJEVI U POGLEDU JEZIKA

Ako je jezik na kojem se održavaju predavanja strani jezik, kandidati trebaju da poznaju dati jezik na nivou koji traži institucija domaćina.

Ako je jezik na kojem se drže predavanja mađarski, studenti učestvuju u jednogodišnjem pripremnom kursu koji obezbjeđuje institut Balassi prije nego što počnu sa svojim visokoobrazovnim studijama. Tokom te godine predavat će se mađarski jezik i teme vezane uz izabranu oblast budućih studija.

OPĆE ODREDBE

Stipendije važe za studije na mađarskim državnim univerzitetima ili državnim fakultetima, i za studije u naučnim oblastima koje su definisane u postojećim bilateralnim, obrazovnim planovima rada sa Mađarskom.

Stipendije koje se dodjeljuju za BA/BSc i MA/MSc programe mogu biti produžene u skladu sa trenutnim zakonom koji je na snazi. Trajanje doktorskih programa ne može biti produženo u skladu sa trenutnim zakonom koji je na snazi. Stipendije *Stipendium Hungaricum* važe samo za studije u Mađarskoj. Stipendisti moraju boraviti u Mađarskoj tokom cijelog perioda njihovih studija ili istraživanja. Stipendisti po potrebi mogu napustiti Mađarsku jedan, odnosno maksimalno dva mjeseca u jednom vremenskom periodu. U slučaju duže odsutnosti, stipendista može izgubiti svoj status stipendiste.

PRIJAVA I DOKUMENTI KOJI SE TREBAJU DOSTAVITI

Bosanskohercegovačka strana šalje prijave – pregledane i rangirane – u elektronskom formatu na e-mail adresu Ureda mađaraskog odbora za stipendije instituta Balassi: mob@bbi.hu. (Molimo vas da pošaljete prijavu svakog pojedinačnog studenta u jednoj Pdf datoteci). Nakon slanja prijavnog materijala putem elektronske pošte, dva štampana primjerka prijavnog materijala se šalju poštom na sljedeću adresu: Balassi Institute, Hungarian Scholarship Board Office, 1519 Budapest Pf. 385, Hungary.

**Rok za slanje prijavnog materijala elektronskim putem na e-mail mob@bbi.hu je:
15. april 2014. godine**

(Štampani primjerak prijavnog materijala se mora poslati poštom do 15. aprila 2014. godine – prema poštanskom žigu)

Prijave moraju sadržavati sljedeće dokumente:

1. Prijavni obrazac Mađarskog odbora za stipendije *(potpuno popunjen i potpisan od strane kandidata)*
2. Biografiju
3. Popratno pismo
4. Potvrdu o kandidatovom nivou poznavanja jezika koji je neophodan za odabrani program
5. Potvrde o završenom školovanju:
 - a. Kopija diplome o završenoj srednjoj školi *(sa ovjerenim prijevodom na engleski/mađarski jezik)*
 - b. Službeni transkripti, zvanja, diplome o već završenoj visokoj školi *(sa ovjerenim prijevodom na engleski/mađarski jezik)*
 - c. Kopija BA/BSc diplome (za kandidate za MA ili MSc program) – *sa ovjerenim prijevodom na engleski/mađarski jezik*
6. Kopija pasoša
7. Ljekarsko uvjerenje o zadovoljavajućem zdravstvenom stanju

Kandidati za doktorski program moraju priložiti sljedeće dokumente pored gore navedenih:

1. Detaljan plan istraživanja *(minimalno 2 stranice)*
2. Kopiju MA/MSc diplome *(sa ovjerenim prijevodom na engleski/mađarski jezik)*
3. Dva pisma preporuke

FINANSIJSKE ODREDBE

Relevantno za svakog stipendistu:

- ▶ studij bez plaćanja školarine
- ▶ visokoškolske ustanove mogu ponuditi mjesta u studentskim domovima – prema kapacitetu studentskog doma date ustanove – odnosno iznos od 30.000 mađarskih forinti će biti obezbijeđen studentu za troškove smještaja
- ▶ zdravstveno osiguranje
- ▶ mjesečna stipendija – stipendija za mjesec dana – za period od 12 mjeseci – će dodijeljivati ustanova koja je domaćin. Iznos stipendije – prema aktuelnom zakonu koji je na snazi – iznosi 40.460 mađarskih forinti mjesečno u slučaju Ba/BSc i MA/MSc programa, a 100.000 mađarskih forinti mjesečno za studente na doktorskim studijima.

DODATNE INFORMACIJE O FINANSIJSKIM ODREDBAMA

Stipendija je namijenjena pokrivanju životnih troškova samo jedne osobe, tako da finansiranje ili izuzimanje od dobijanja vize za prateće članove porodice ili druge osobe nije dostupno. Stipendija neće biti dostupna odmah po dolasku u Mađarsku. Stoga se stipendistima savjetuje da imaju dovoljnu količinu novca da pokriju životne troškove za najmanje mjesec dana u Mađarskoj. Osim finansijskih odredbi koje su navedene iznad, Mađarski odbor za stipendije ne nadoknađuje druge troškove koji se odnose na boravak stipendiste.

Putni troškovi

Mađarska strana ne snosi putne troškove do Mađarske, unutar Mađarske i troškove povratka u zemlju porijekla.

NAPOMENA

Stipendije dodjeljuje ministar nadležan za obrazovanje u Mađarskoj na osnovu nominacije Mađarskog odbora za stipendije – s tim da stipendista mora ispuniti kriterije za prijavu i položiti prijemni ispit mađarske visokoškolske ustanove i službeno se upisati na mađarsku visokoškolsku ustanovu.

Ured mađarskog odbora za stipendije instituta Balassi će partnerskoj strani poslati listu uspješnih kandidata za različite vrste stipendija. Ministarstvo obrazovanja zemlje kandidata, odnosno nacionalni ured/agencija za stipendije, će obavijestiti kandidate o rezultatima.

Mađarska visokoškolska ustanova će obavijestiti kandidate o kriterijima za prijemni ispit. Mađarske visokoobrazovne institucije moraju poslati Uredu mađarskog odbora za stipendije instituta Balassi rješenja o uspješno položenim prijemnim ispitima. Ured mađarskog odbora za stipendije diplomatskim putem prosljeđuje listu uspješnih kandidata za stipendije partnerskoj strani. Stipendisti nakon toga mogu otpočeti postupak dobijanja viza.